

偉堂稿

RARE  
BOOK

Chip  
2. 182









偉堂稿


詩

天然亭

與君團會天然亭  
遲日華筵醉復醒  
烟鎖遙城山影暮  
風來小溆藕香聽  
垂楊嫋嫋蟬藏綠  
芳草離離燕掠青  
病胃三庚消我渴  
石間泉水自神靈

社伴適來共拈韻

斜日東風剪剪寒  
梅香柳色捲簾看  
遐眺憑來千嶂出  
煩襟滌盡一樽寬  
鳴春好鳥多深院  
覓勾閑人倚曲欄  
相見時難容易別  
莫辭團座任情歡



月社暮春 六首

碧山幽處故人尋何似七賢在竹林隔樹鳴鳩催雨  
響依花睡蝶戀春心百年莫惜千回醉三月猶餘五  
夜深明日擬登如滿社須教法界鋪黃金

探春來宿碧山中酒席餘香陣陣風啼鳥似矜嬌艷  
色一生花裏羽毛紅

春後情懷我與君喧蜂住蝶又同羣魚遊活水心應  
定鷺立晴沙影不分落花風起翻紅雨遠樹烟生和  
綠雲流水斷橋人喚渡恨春啼鳥隔牆聞

愁來遠客暗思鄉白鷺飛邊野色長垂柳絲絲籠院



落飄花片片點池塘嶺雲初起樹頭暗山雨欲來簾  
角涼錦軸將成歸意動終南回首晚蒼蒼

遠山如畫對床頭好客相尋境轉幽金勒馬嘶芳草  
岸珠簾人倚映紅樓墻松雲擁鶴眠靜溪柳烟籠鶯  
語流此地那堪虛度日更將花軸共遲留

新樣春衫拂彩霞迢迢石逕穿林斜醉客無端閒藉  
草狂風何事苦吹花無數啼鶯傍水閣多情語燕入  
山家觚稜回首靄雲起望美人如天一涯

餞春

申韋史曰雖暗中摸索可知爲又響所作

啼鳥數聲白日遲穿來碧樹午陰移遙看芳草和烟



色堪折垂楊拂水枝萬里夢頻相憶處一年愁在別  
離時尊前莫惜今宵醉自是東君有後期

冬日復會月社三首

林外斜陽笛一聲啼鳥流水揔關情此樓住在雲深  
處舊友齊來雪裏程高城風遠紅塵起千嶂烟收朗  
月生酒罷詩成無箇事冷金箋紙寫真卿

千種閒愁喚遣歸明窓淨几點塵稀春生小閣梅魂  
返夜迴高樓桂魄飛覓句人來桃竹杖愛山誰拂薜  
蘿衣舉頭回望終南色依舊丹烽照翠微

漠漠閒雲一洞深誰知水閣在松林陽春共待生花

氣積雪猶看動麥心簾靜幽禽如欲睡山高晴日易  
爲陰鍾期去後知音在千古我洋是我琴

四可亭晚春

九首

幾疊雲山步步經披襟來坐自怡亭垂楊臨水鶯藏  
綠芳草連堤燕掠青笛遠人誰登粉堞地清我欲寫  
黃庭前村美酒金龜換且對餘花醉復醒

山盡水窮景有餘白雲深處一僧居才通松逕採靈  
藥半掩竹窓看道書芳草萋萋人去遠流鶯寂寂夢  
來虛諸天日暮鍾聲落扶醉歸時風亦徐

青龍菴

列出周遭闢洞門浮生多事不休喧霞生絕壁橫山



帶雨過清泉洗石根修竹風來消酒力高樓月上淨  
詩魂一聲長笛知何處郭外疎烟黯淡痕

朱檻橫斜綠樹間一尊酒在却忘還多情玄鳥來茅  
屋如夢黃鸝語碧山僧念蓮經塵界遠石垂苔髮雨  
痕斑名區結社優遊樂千萬人中我自閒

山雨欲來澗靄消漁歌樵笛漸遙遙古松棲鶴眠詩  
境流水浮花映畫橋北社同人元在在西湖歸客更  
招招銀鞍白馬誰家子手折垂楊最軟條

勝地來遊氣益豪綠樽灩灩瀉紅醪輞川佳友邀裴  
迪蕉葉新箋仿薛濤山水襟期三尺在鶯花世界一



樓高陶寫閒情歸緩緩斜陽筇屐度林臯

雙燕將雛入翠簾林風吹雨響纖纖石逕纔通三界  
遠溪雲初捲數峰尖徙倚高樓長笛遠行尋飛瀑短  
衫沾城陰一曲歸期緩更喚山童綠酒添

爲看飛瀑策枯藤更上高樓第一層黃梅雨裏雙來  
燕芳草烟中獨去僧窓間有酒朱絃靜石面無塵碧  
蘚澄雲際茶爐紅獸炭明如屋角酒家燈

山村暮色碧沉沉斷靄歸雲揔雨心樓臺隱隱詩思  
遠澗樹陰陰鳥夢深丹崖風過鳴松葉翠塢烟橫鎖  
竹林會事天公留社伴西窓剪燭一長吟

西亭小集 二首

天然亭畔一潭清  
流水浮雲極望平  
綠楊烟鎖絲絲  
纈紅藕風翻葉葉橫  
客子相傳千日酒  
文章爭說五  
言城碧山冷簟疎楹外  
菡萏何如夜月明

菡萏初開笑語香  
樓臺影倒已斜陽  
睡意暖風羣鳥  
亂詩心高樹一蟬涼  
南陌遊人携杖屨  
西亭醉客引  
壺觴石泉消暑忘  
歸路遠郭迢迢雲影長

冬日來住月社 三首

逶迤筇屐出東門  
落葉蕭蕭響薄昏  
葩經讀罷看山  
色石逕登來踏樹根  
飛霜如雪鴻千里  
片月當軒酒



一尊隨鶴行尋溪上路碧苔認得水流痕

韻人觴客共逍遙此地何妨世慮消僧舍鍾寒千丈  
雪溪林月上五更條松鳴渾似來陶院梅笑還疑到  
灞橋滿袖香烟前夜夢禁城回首杳丹霄

明月宜今夜寒梅似舊顏鶴聲在松院人語靜山關  
覓句憑欄久把尊聽水閒巷深輪鞅寡誰識住雲間  
詠雪

片片飛來破積陰漸隨地勢作高深松梢風拂烟痕  
散澤腹水添水色侵晴映書窓人似玉亂飄僧舍佛  
渝金紅塵不到清閑界一閣寒梅澹我心



古木

爾貌杈枒似老人浮華刊落悟情塵月夜村徂遙吠  
影盡厨神筆巧模身寒雲薄日那嫌雪芳草飛花獨  
負春棲鳳故枝來喙木錦翔翻處我詩新

華溪寺

短筇雙屐到華溪水落山高遠樹低花柳橋南如此  
好烟雲漢北共相携梵宮寂寂來鍾磬苔路層層踏  
石梯老佛無心蓮上坐虛簷盡日聽禽啼

重興寺

浮世情塵有定緣東風吹客到諸天遊人眼霧三千

界老釋眉霜八十年玉磬遙生蓮雨裏香烟細繞綠  
樽邊欲把奚囊收景物春花如笑柳如眠

山映樓

浮世共偷半日閒梵鍾遙落樹林間水聲直下千尋  
壁樓影層生萬仞山弄春啼鳥皆新語閱世短碑留  
舊顏一尊又續蘭亭楔孤郭迢迢燕子還

小東樓

六首

草閣微涼獨也秋東樓社伴共淹留山勢崎嶇冠岳  
出湖光浩蕩足城浮細簾纈如看逝水危欄閒似坐  
虛舟江天日暮青烟起牛戴寒鴉返遠洲



一望平野杳無前江月江風似去年數點青山孤帆  
外雙飛白鳥夕陽邊歸客已分楊子渡故人遙憶桂  
香天幾時做得池塘夢獨倚高樓只醉眠

前春別桂  
隱南友於

此從氏有約未  
會故并及之

碧水遠天渾一光江深朱夏動微涼清樽携出玄湖  
月中夜移來栗島檣遙辨晴沙鷗影白倏過欹岸樹  
痕蒼歸來不覺身搖盪日烘西窓睡味長

楊柳垂垂碧水濱斜陽漁笛更清新波晴山影來高  
檻院靜鶯聲喚醉人去帆漠漠遙看雨飛鳥翩翩不  
染塵四月江樓閒臥意黃梅青草勝於春



錦纜遲遲下浪頭臨江無處不高樓一帆風到黃梅

落數郡山長碧水流笛聲寥亮驚鷗夢草色迷離惹

客愁竹樹烟雲無限景翠翁當日未全收

挹翠軒江行諸篇爲

吾東絕唱

三日共遊平遠亭尊前繚白又縈青斜陽去馬楊花

渡細雨歸帆栗樹汀柳幕深深黃鳥語蘆笳漠漠白

鷗聽砑堦禁直他宵夢有此江山暫喚醒

裴此山

龍五

來共賦

此山又號山客與表兄少農明春約會從氏三柳齋

秋雨蕭蕭落木天黃花初發短籬邊千里相思曾幾

日一尊送別又今年寒空望極溟鴻舉曉館那堪海

月懸遙指明春三柳院農兄山客更團圓

倣綠野堂雅集

五月池園漲綠陰石榴花發映芳林微風院落來玄  
鳥細雨松關睡白禽簾角雲收千嶂出樓頭詩就一  
尊深笠屐圖成歸路晚明朝有意更相尋

江樓

小東樓下大江流翠嶼微茫雨未收潮落痕生芳草  
岸風斜帆飽夕陽舟簟紋棋響清疑盡水氣山光澹  
似秋蒹葭一路人歸晚白鳥翩翩下遠洲

月社謾吟



綠陰何似落花時人去人來鳥不知  
燕是佳賓常對語山如高士久留期  
松間露頂風聲遠窓下看書日影遲  
醉臥江樓無箇事山中盡日聽歌芝

月社晚春分韻

花發多風雨得風字

迢遞高樓一望通夕陽西去水流東  
斷岸燕飛芳草雨小園鶯囀綠楊風  
山郭遠帘春酒熟江城長笛落花紅  
冷簾無塵窓几靜幾時閒臥鳥聲中

月社復會

疎簾霽色纈難分半是遙山半是雲  
淡翠松光醒後見微香荷氣睡餘聞  
名樓勝槩神方會遊客新詩思

不羣裙屐飄然乘興到聊持綠酒屬之君

小東樓雅會 七首

澄江如練憶玄暉春盡東樓坐翠微芳草烟迷漁子  
艇綠楊枝拂酒人衣深園苔薄孫桐出盡榭簾高客  
燕飛檻外長流流不盡朗吟此地詎堪歸

數樹餘花疑晚春得閑未老是閒身語燕無端嘲醉  
客啼鶯多事動詩人盡榭明燈江十里微風遠笛月  
三隣小舟撐出垂楊岸露氣沾衣意更新

三分草色七分沙箇裏橫斜四五家詩格自成真境  
界樽前莫恠筆生花



風帆漠漠柳陰迷睡起東樓日欲西山勢沙邊晴野  
濶江聲雲際遠天低嬌燕多情迎客語老鶯何意向  
人啼白鷗自是忘機者似厭商船上小溪

大江一半夕陽回望裏村容盡裏開芳草明沙雙去  
鷺丹崖翠壁獨登臺心閒漁子投竿歇喉渴騷人煮  
茗催如此名區遊冶樂葦魚作膾進鸚鵡杯

雨霽雲收麥氣清微風時送棹歌聲鷺占晴沙無限  
界鶯留垂楊有餘情碧樹烟籠數隣靜黃昏月上孤  
帆生名樓從此佳約在翰墨真緣政不輕

十里平沙外山容半入湖柳低渾似醉樓隱洽如圖

水國鷗眠冷松壇鶴夢孤新詩高一格此地點塵無

丁錦園

顯燮

徐惠春

晦輔

同來拈唐人韻

二首

鍾動漏稀天氣清故人來自漢西城雲邊歷歷歸鴻  
影窓外蕭蕭落木聲陳榻今宵風範在遼城千古月  
華生鄰鷄喔喔論心後十里程長曙色明

簾影叅差燭影斜提壺僮自柳邊家樓臺已報三更  
漏梅樹何如二月花詩話終宵新有得雲心欲曙杳  
難涯紫陌鍾疎人散後終南歸路雪痕賒

四可亭

五首

十尋老樹倚青山流水聲中人語閒寺鍾遙落晴雲



外澗靄初生亂石間迢迢古郭斜陽遠漠漠平蕪倦  
馬還依據袁公河朔飲碧筒酒氣上朱顏

一片城高日影斜碧山深處是吾家蟬聲曳過蒼蒼  
樹鷺隊分飛漠漠沙不盡玉泉懸翠壁有時瓊露轉  
朱華三夜池塘春草色洞門送別路賒賒

道峰山似佛頭青可愛白蓮依舊形吟雨幽禽來小  
院佩尊騷客倚高亭萋萋芳草斜陽遠陣陣清風午  
夢醒淨界却嫌都管領蟬聲爲許衆人聽

一輪明月萬家明何處清風遠笛生秋水秋山頻入  
夢黃花黃葉最關情歸鴈橫空雲影斷冷虫滿地露

華清模將此會傳圖畫玉珮瓊琚盡有聲

題詩葵館北携酒漢城東洞邃晴猶濕亭高午亦風  
松心幽壑翠荷藥小池紅醉夢初醒後聽蟬樹色中

鄭其山

憲時

夜來共賦

松下茅齋石上泉名區與我結清緣夜涼月轉紅荷  
露秋淨星分碧樹天流水聲中來客馬白雲深處有  
人烟携君共訪禪庵去老佛低眉似欲眠

次小荷趙

成夏

題俞尙書山莊韻

我家泉石晚誅茅一逕逶迤接遠郊有時細雨紅荷  
柄得意鳴蟬碧樹梢簾清騷客交爭局樓隱幽禽已



定巢三夏北窓閒睡足何妨懶習故人嘲

此山來拈韻 二首

梅花依舊着寒查窓外回看散玉砂浮生送別多雲  
樹幾處牽懷詠露葭滄厓居士歸鄉國山客高朋訪  
野家離合一尊無限意前秋分手幾時過

故人來處喜相知南國音毛爲問之山村寂寂雲堂  
戶庭樹蕭蕭月上枝雪催新臘梅香動漏報寒更燭  
影移與君只合今宵醉莫謝頻傾滿滿卮

又出四可亭 三首

同人共帶午風清北出漢陽十里城洞深只聽幽禽

語山靜偏多活水聲樓臨淨界消塵慮客似閒雲不  
俗情澗靄初生羣樹暗捲簾更看細雨輕

漢城之北路遲遲林邃人來鳥不知白馬嘶風芳草  
際玄蟬吟雨綠陰時尋僧幾曳飛雲履臨岸堪攀拂  
水枝詩成酒罷無餘事松下看棋日影移

雲深樹老洞天幽雨後蟬聲已覺秋漁人只道江湖  
樂誰識山中有此樓

與社伴擬登紫閣未果因賦此

依依楊柳拂檐平詩檣高開境轉清樓頭碧樹連雲  
色窓外黃梅送雨聲渾添酒力微風暖似促詩情返



照明紫閣未登因此席奇緣誰識箇中成

月社雅集 五首

樓在明山秀水邊黃鸝聲裏又今年幾時門掩綠楊  
雨晴日燕飛芳草烟良友相逢皆好話新醪適熟又  
奇緣深紅殘碧俱詩境團會優遊豈偶然

四月深山山氣晴鳴鳩乳鷺最關情馬嘶垂柳千條  
影人倚高樓一笛聲天公應惜花容瘦騷客何愁雨  
脚橫懶睡醒來簾角動洞雲初散午風輕

一樽相對落花天山影叅差曲檻邊紅樓恐負泉林  
約綠野重成翰墨緣洞深晴日猶纖靄村近斜陽又

點烟剪燭西窓仍不寐松梢月色意中圓

漢城十里似天涯綠樹陰濃一逕斜啼鳥多情臨水  
柳喧蜂得意滿院花別館人來清淨界新詩誰見大  
方家高樓盡日無消事更遣村童美酒賒

一春經玉署三日作花遊芳草連幽磴繁陰擁小樓  
柳幕流鶯語松濤片月浮忽聞長笛遠清夜動詩愁

社伴夜來 三首

佳客臨門帶笑顏三更月出白雲間橫鴈一聲歸廣  
野棲禽幽夢在青山澹烟繞屋多情在流水滿塘無  
限閒何必清遊卜良夜明朝有意抱琴還



前宵團會少泉堂今夕吾家燭影長梅花寫出深屏  
穩麝墨磨來滿座香城上雲開明月在樓頭木落碧  
山當清時愧我才疎拙安得詩名動四方

春雨初收天氣清微烟細霧望中平樹頭遠郭青山  
色簾外垂楊好鳥聲斗酒莫辭千日醉百憂渾似一  
毛輕縱謂春光將欲盡芳草綠陰還有情

謾吟 三首

鍾聲纔罷又逢君無事依闌長笛聞烟裏池臺楊柳  
暗月中籬落杏花分清明寒食多晴景綺陌香街又  
弱雲正欲尋芳遊處處黃鶯白蝶可爲羣

斜陽澹澹掛遙岑  
啼鳥數聲風滿林  
枕簟清涼醒午夢  
樓臺華麗蕩春心  
幾多岸柳翠高下  
無限庭花紅淺深  
把酒論文真勝事  
北鴻南燕遞相尋

禁城風物媚青陽  
幾處名園繞衆芳  
花間蝶舞爭高下  
柳裏鶯歌送短長  
淨几看書白日永  
小樓留客綠樽香  
與君更約今宵會  
庭宇無塵月滿堂

金侍讀竹坡

德均

庄夜會

街鍾初落絳河西  
短屐逍遙暝踏泥  
深院虛明殘雪散  
高樓淡泊老梅低  
曉來人對三分月  
春近冰消百派溪  
難招今夜南飛鶴  
謾把空樽手共携



洪待制石雲

淳馨

庄夜會

翠宵茲約已多時尊酒相看話舊知曉鍾將落人依  
檻遠樹微明月上枝良辰美景憐君病殘雪寒梅惱  
我思歲色垂垂難住得長歌短軸一生宜

夜話

家近城東第一橋春生門柳兩三條壁間疎影梅香  
動窓外寒光雪意驕萬戶砧高紅燭夜五更月上碧  
雲霄幸因韻士不遐我免教此樓長寂寥

近雲樓夜會

我今踐約月中還恰是浮生一日閑春心先着微黃

柳雪色偏多半碧山酒情浩蕩梅開後鶴夢虛涼樹影間翹首終南人不到雙扉五夜且休關

石汀有約不來

洪記注研芸

承穆

庄夜會

主人無事掩柴門帽影鞭絲趁薄昏明月如期坡老酌奇書閒讀鄴侯村滿樹梅花澹是色捲簾山色碧生痕清明時節無幾春雨紛紛易斷魂

趙記注東石

同熙

庄夜會

靜几明窓不染塵梅花一樹閣中新山山水水皆奇盡雨雨風風已早春芳華相問紅名妓晚興堪憐白髮人深院啼禽多巧舌詩情於此共探真



新舍戲題庭中大樹

大樹庭中立雪霜經幾年雪霜休說苦會見就材全

送學官族人

龍應還鄉

送君三百里別意一般深祇有言相贈惟望病不侵

晚春逸興

簾波推盪似居船日暖春園翠蝶眠不識此風來第  
幾落花吹起去無邊

江樓小集

八首

離離芳草岸東西白馬斜陽滑玉蹄青眼人來紅友  
熟碧桃花落翠禽啼晴痕多在樓邊樹泉響遙生石

上溪社伴詩情猶不淺更將濃墨柳陰題

石村亭子卽城東好契相尋一榻同三日雨聲添樹  
綠七分春色損花紅霽月溶溶梨院裏輕烟澹澹柳  
塘中天公似解遊人意次第噓來升四風

荷 恩休暇到名園碧樹周遭掩洞門樓靜丁寧黃  
鳥語草青的歷落花痕夕陽冉冉疎簾角水閣窺窺  
倚石根更看垂垂橋柳外藹然烟色繞山村

兩三隔岸野人家爲賞羣芳醉紫霞雲影遙生簾角  
纈鶯聲忽斷柳枝斜掠草翻烟來燕子滿庭如雪落  
梨花回看九陌紅塵裏揔是浮生夢一涯



紅樓高處笛聲多樓外不知風雨過村落溶溶夕烟起和烟草色似滄波

碧樹陰陰不見樓繞園花落一簾收也知春事餘無幾杜宇聲聲夜夜愁

山中難記日花落滿空林燕語細簾外鶯飛綠樹陰宿雲多雨意大酒送春心鍾子今安在泠泠獨聽琴

時聽楊蓬萊古琴腹刻詩有一彈復一吟鍾子是知音之句

紅樓期已晚朝罷出東城斟酒多花氣惜春少日晴綠楊深淺色黃鳥兩三聲芳草逶迤路斜陽展齒輕

春雨

細雨霏霏山外經，  
倏飛白鳥去還停。  
餘花從此無消息，  
第看繁陰綠滿庭。

落花

無端三月客乘興，  
入青山鶯聲樓外滑。  
蝶夢院中閑暮雨，  
初過後東風一夜間。  
今遊宜秉燭，不必掩松關。

觀瀑

雨過添溪水，白虹石上飛。  
倚樓看不厭，玉沫點春衣。  
月社歸路呼韻。

花落青山暮，野平白日長。  
林間三宿返，衣裾有奇香。  
爲飲鹿紅作，西京之行留。  
兩合村舍與松留，洪。



心齋

承億

共賦 十五首

大川之水抱村流  
簾外山容隔兩州  
聽罷鶯聲知四月  
朝來麥氣似清秋  
連砌草青雙燕掠  
繞園樹碧翼禽遊  
幾時做得思家夢  
更上高樓一矯頭

竹以爲屏茅以廬  
鄉居趣味太蕭疎  
村烟低起斜籬外  
澗靄遙生暮雨初  
野樹幾聽黃鳥語  
山窓閒讀古人書  
還知盡日無消事  
又到前溪月下漁

枉車不待遠相招  
一榻論心度幾宵  
午夢初醒花落院  
酒旗晚出柳邊橋  
滿簾雨色羣山碧  
隔水村容數屋遙  
樵笛漁歌何處起  
嘈嘈亦可免蕭條

山深無處不烟霞春盡猶看分外花  
夢懶鄉園千里遠醒來樵笛夕陽斜  
院閒燕子來簾幕雨歇牛羊散  
野家詩境今宵君記取一天明月杳然涯

林扉寂寂似禪宮松下脫巾灑晚風  
細雨連溪蒼蘚滑斜陽移檻碧山空  
鶯聲乍斷垂楊暗草色微分石  
逕通三日共君論舊契閑愁消盡一樽中

獨鳥斜陽去復還林亭瀟灑隔塵間  
雲心白繞陶弘嶺詩境青生謝眺山  
夢斷鄉園鴻鴈遠雨均田野枯  
槁閒也知刺史仁聲布處處柴扉夜不關

一洞深深有石泉小樓人倚綠陰天  
慣農野叟畦頭



立無事村翁樹下眠  
堅臥黃牛青草際  
倦飛白鷺碧山前方塘時有清風到吹動田田出水蓮

當時風韻見於君  
詩思飄然又不羣  
筆下陣圖臨晉帖松間公事證韓文  
庵遠七星僧步月臺高萬景鶴巢雲  
故都重會前期在莫悵明朝翠袂分

心營

齋將還

無端爲客共吾曹  
燭剪西窓夢自勞  
如水繁陰歸客晚連天碧  
岫夕陽高籬接麥畦  
翻翠浪樓臨松嶺聽清濤  
等閒白鳥來何處芳草溪邊映雪毛

潒然心地淡然身  
來坐碧山無點塵  
烟霞異態虛明夜草木真  
香自在春鹿門幽躅誰高士  
萍水奇逢盡

故入峽俗淳庀如太古黃童白叟日相親

洛社多年養我慵故都遊覽又閒蹤雨絲涼滴檻前  
石簾角翠生溪上峰蒼茫仙子曾吹笛蕭瑟神僧舊  
種松誰謂大川三百里知心吾友日相逢

風片雨絲一夜兼天公會事被均霑山窓香動黃梅  
發石路塵清碧蘚添快意雷聲來絕壁悵懷月色暗  
路檐朴澗欲訪千尋瀑半是銀河半是簾

一樹晴光碧滿衣醒來簾角午風微青山無主亭亭  
在白鳥期誰杳杳歸籬畔斜陽花的歷窓間幾夜夢  
依稀坐看深院黃梅落鷺子多情兩兩飛



樵逕逶迤起暮歌孤城殘堞半藤蘿雲來雲去山無  
盡花落花開月幾何舊地樓臺芳草綠荒村樹木夕  
陽多營樓今日昇平樂絲管紛紛酒漾波

次心齋臨別韻追寄

曉色青山唱遠鷄人歸東郭水流西詩留古榻黃鶯  
喚路入空門綠樹迷雙屐步雲臨斷壑一樽看瀑臥  
長堤想來真境悠然立漁笛無端下碧溪

出遊城北山社卽席走草十首

共君聯袂出城東樽酒相看幾夜同山外僧歸雲衲  
皓院中日午石榴紅論才只道當今世挾冊猶看太

古風待月小樓因不寐回頭三角聳晴空

山日遲遲午睡慵玉琴彈罷撫高松  
細簾虛檻來玄鳥淨水方塘印碧峰  
宿酒初醒雲影纈故人遠到樹陰濃  
更看籬落青烟起雲裏遙生古寺鍾

盡日閒依靜寂窓窓前忽聽故人足  
池塘疊疊碧荷出簾幕喃喃嬌驚雙  
葉舟泛去青龍寺草閣寒如五月江  
樵笛斜陽山外起遠村驚吠白雲隄

山中無事日遲遲吾友城東不負期  
玄鳥多情芳草掠黃鸝相喚綠陰移  
斜陽歷歷穿樓箔翠柳垂垂拂石池  
又喜芳園春去後好花猶有未開枝



離離芳草路依微  
山館無人掩竹扉  
洞邃籬邊晴靄起  
地高樓外白雲飛  
積年飲水尋仙錄  
多日居山忘俗機  
理屐平朝山更好  
晚霞積翠濕蘿衣

石榴花發客歸初  
境僻還如老釋居  
雨色纔晴孤郭遠  
泉聲盡日一樓虛  
醒後更聽黃鳥語  
朝來喜見故人書  
小窓茶罷無消事  
緩踏斜陽樹影疎

碧水青山似畫圖  
樹陰多處數家孤  
佳期誰送赫蹄字  
斜日更携藍尾壺  
院深幽鳥閒來去  
茶熟香烟半有無  
茲會何妨終夜醉  
西窓留客一燈呼

良友來時日未西  
逍遙筇屐到前溪  
雙掠玄禽芳草

岸驕行白馬綠楊堤迢遞臺高羣岫小平蕪野濶遠  
天低悠然翹首終南下此去長安路不迷

城北洞中自悅齋溪山卉木四時佳幽花剩得騷人  
意芳草遙生遊客懷茅茨隔樹依懸壁石逕攀蘿入  
斷崖一樹清風何處到午陰翠積滿庭槐

清虛境界絕纖埃松下幽泉石上苔檻外斜陽幽鳥  
語城南芳草故人來七分明月丹砂井一片閑雲玉  
鏡臺雅集山樓如結夏紅榴笑對悟花開

李記注

儀用

趙同知

性夏

來訪山齋共賦

二首

鶴髮先生不記春一樽相對舊顏新二君共是湖西



客白日又尋城北人樓影雲生知地古荷香風動聽  
天真重緣雖有前期在無奈情懷入夢頻

斜陽郭外路微分亭子崑崙出白雲樹碧小園幽鳥  
語山深孤寺暮鍾聞清淨無塵知佛界超然祛累共  
仙羣一樽兼得奚囊富擲地金聲始見君

小東樓觀漲

二首

自言居水勝山園釣能歸來月已昏叅差島樹如雲  
帆蕩漾江波見海門上下難分天一色中間通濶野  
無痕日夜滔滔何處去須看萬里不窮源

東樓五月動微寒盡日江聲第一欄天際雲烟無定

態夜來風雨滿空壇山容忽斷飛禽外湖色遙生碧  
樹端勝槩奚囊收不得蒼葭兩岸白鷗看

趙東石姜白石直殿

贊

共賦

幾日共君住此間却忘塵累不知還野頭新漲平鋪  
水帆外微分蘊藉山晴痕在樹汀洲碧落照滿江鷗  
鷺閒鎮日東樓無一事權花梅子又相關

四可亭

舊雨來尋碧樹天不違宿約又今年愛山自喜紅塵  
遠報國心看白日懸每緣流水澄苔石猶有殘花點  
草筵四可亭高堪可住漢城之北道峰前



復遊四可亭 二首

林亭七月第三宵下界炎蒸轉覺遙風送荷香來小  
檻泉驅松籟過虛橋塵清亦可珠簾捲心爽何勞羽  
扇搖欲向天孫雲錦借星河莫使彩虹消

梧桐一葉報新秋陣陣輕風滿我樓疎雨笛聲青壁  
外夕陽山色白雲頭烟霞此地三分畫詞翰誰今第  
一流他夜荷塘明月在邨堪千里送君愁

芝汀將還

蓮亭賞月

碧落無雲河影長方塘時聽不知香驚風颭水浮萍  
斷白露侵樓夜月涼也應談笑期多日爲看清漣送

夕陽已到曉鍾因未寐無妨自酌引壺觴

苔泉夜飲

曉漏丁東碧斷霞酒醒微覺重霜華虛明夜色月如  
海蕭瑟樹聲山隔家籬邊稗菊三分發雲外歸鴻一  
字斜茲會聯翩留後約吾人從識足生涯

夜會

相別不知度幾秋諸君共是昔年遊

此山阮山自由  
嶺外上來 虫

聲在地寒生草鴈影橫天月入樓黃花節晚繁砧起  
五夜鍾鳴曉漢流窓外梧桐溪畔柳一般騷客動清  
愁



月谷雅集 七首

道峰秀色入晴天回想昔遊不記年綠野佳期秋月  
晚黃花時節尺書傳村家搖落斜陽外野樹婆娑舊  
路前一自西風初至後蕭蕭霜葉滿平川

逍遙筇屐出門移門外石溪溪上池橋谷晚霞長醉  
酒山樓夜月更題詩秋風秋雨不歸去黃葉黃花同  
舊知極望平郊無際遠人人馬馬渡遲遲

簾纈難分遠近峰雲山檻外幾千重地偏樓倚三分  
石日暮僧歸一杵鍾淵明籬下至今菊弘景宅邊長  
在松剩得楓林中斷處斜陽更看露村容

落木蕭蕭一檻空無端此地數宵同秋來山色多黃  
葉雲斷鴻聲遠北風菊花猶發重陽後溪水長流古  
洞中楓林爲賞停車晚何似杜鵑三月紅

淒淒塞鴈報寒霜曉月羈窓到洛陽黃葉村深茅以  
屋紅樓界淨石爲牆相思夢斷江山遠惜別人歸道  
路長雖是西風吹面冷菊花酒暖一樽香

屬此山

客子逢秋白髮新江南千里未歸人滿庭落葉何須  
席一院黃花可作鄰荒村斜日寒砧急孤館殘燈惱  
夢頻筆意詩情真境到禽魚不覺自來親

又屬此山

一路逶迤訪佛尊禪家無事掩空門洞窻鍾聲微欲



斷野平山色碧生痕客子歸心同逝水吾人舊約重  
名園退公猶得閒休暇一世何由答 聖恩 興天寺

朴校理省庵

魯參

庄夜會

主人無事一園深庭畔高槐老十尋寒聲秋夜砧南  
北霽色青天月古今落帽幾吟黃菊節停車試問晚  
楓林西風遠客應多感纔送朝暉又夕陰

表兄金石覽呪筭館小集

一夫霜落百川清無奈寒窓客夢驚病裏送秋紅葉  
晚雨中趁約小樓明尊前穉菊留人意雲外歸鴻喚  
侶情題罷新詩閑倚檻終南山色入簾平

茗泉夜會

從氏將赴成川

東明舊國寂西關縹緲一樓三百間  
少別情深千尺水相思夢隔萬重山  
訟庭鳥下蒼苔靜鈴閣雲來白日閒  
彩筆休題神女賦佳緣多恐却忘還  
從氏西行隔宵與諸社伴夜會話別

文采風流照耀人朱幡西出又青春  
明將送別難爲夢去亦留情遠似隣  
歸帆迢迢江水碧來期杳杳臘梅新  
巫山雲雨仙樓月太守心清不染塵

諸社伴卜夜來會

無端一鶴下空庭獨立超然似有聽  
菊花已老新梅



白月影初生遠出青風寒樓外蕭蕭葉雲斷城頭歷  
歷星千里懷人人不見相思還恐夢頻醒

次呪筭館夜會韻卽呈

大放正聲始見君衿懷又是出於羣丈夫好事劔三  
尺高士佳名詩七分多情相對人如月無定浮來客  
似雲隔水相望悵悵意酒星誰使動天文

月社暮春聯句

山中春已晚不醉復何爲

滄厓

紅散花千點綠添酒

一卮

野樵

天機魚活潑風力燕差池

鶴小

談笑宜今

夕韶華問幾時

月樵

旣成沂水服非愛樂窩詩

又閒

勝地宜棲息浮生半別離又響鳴珂當世貴秉燭古

人誰滄晚店酒旗拂曉窓山月窺野披林追老鶴出

谷聽新鸝鶴看竹同良友烹茶倩小兒月樽筵無俗

白書屋有清規閒風起花香遠月斜鵲影移響白雲

陶嶺是紅水武陵疑滄舊夢談槐穴春詞唱竹枝野

山遊飛謝展聖壽介堯眉鵲亂酌連宵短長繩繫

日遲月桃園歌白也蘭社記羲之閒樹外千家迴樓

頭一笛吹響鳳臺移客棹鶴觀聽仙棋滄可愛李囊

擔還啞劉錡隨野幽居栽五柳壽域試三芝鶴鼓吹

蛙爭鬧詩名鳥亦知月今宵酬晚興此會有前期閒



缺界團圓象君來又一奇

鄉音

偉堂稿卷之一

偉堂稿卷之一 終





